

守  
意  
龕  
詩  
集

守意龕詩集卷二十

三韓 百齡 菊溪著

壬戌

次答魯心齊太守至安順府之作

所居廉讓意相關太守風流翰墨間春澗白消三月雪

郡樓青擁萬家山畫成蠻俗開生面

時以所繪苗人圖見贈

聽到

農歌展笑顏莫謂心勞慙政拙古人撫字幾曾閒

晨起坐盃一齋有感于懷疊前韻遣興

丹書手奉出天關歲月堂堂簿領間麥氣潤霏蠻嶠雨

柳痕青隱戍樓山腰金那易還初服鬢雪頻驚改壯顏

會共驂騮叨餉秣馳驅駕馬未容閒

春夜不寐疊前韻

燕雲蒼莽隔鄉關夢醒鷄鳴庭樹間  
萬里春情書寄雁  
五更寒影月銜山笑將蠻語添  
詩料愁翦燈花照酒顏  
遙憶

九重勞問夜

勅幾何日

聖心閒

聽鶯

柳堤烟煖黛眉橫  
雨潤圓吭喚曉鶯  
憑仗好風吹到耳

簿書堆裏聽春聲

送春詞四首爲了魯山作

鳴鳩乳燕別情多惆悵東風喚奈何  
夢破落花飛絮裏一聲聲是踏春歌

記得春留婪尾多紅肥綠瘦問如何  
東君未許風懷減陌上人歸緩緩歌

難買千金一刻多好風光奈別離  
何羨他蠻洞春如海夜夜吹笙跳月歌

墜溷飄茵片片多三生欲問佛云何  
天花着處大歡喜莫唱人間懊惱歌

憶春詞爲魯山作

并引

齊紈製扇才寫歡歌江管飛花忍吟別賦悵春光之  
易邁恨駒影之難追迢遞萱闈嬌兒遡返寂寥蓮幕  
老子婆娑戶無二屨之留空勞請趾囊乏千金之贖  
漫說纏頭聽葉底之啼聲鶯久住而當春惜別盼梁  
間之舞影燕相識而隔歲飛來子意云何淚灑陽關  
之酒我思不遠夢隨蜀道之山小洞桃花依稀人面  
大堤楊柳綽約兒腰憶左右之風懷負媼妍之月旦  
人難兼夫二妙願會訂以三生顧影蕭蕭絲竹管絃  
之地出門惘惘東西南北之人未免有情望瀛瀕翟

塘而目斷不堪回首倚牀靡莫而神傷

草認裙腰綠滿園春風吹過了無痕殢人最是蠻天雨  
滴碎愁心夜到門

水曲嬉遊感舊緣鬢絲惆悵杜樊川好花若記尋春約  
定許相逢十四年

侍史琢菴向隨王蘭泉司寇游于西湖以琴見推  
于時辛酉秋隨余來黔每公餘與之譚詩古文  
辭津津不倦雅人深致相對怡然不特琴聲之  
足移情也因口占三截句書贈之

好音吹過水雲隈白髮蒼顏笑口開聽到月斜風定後

孤山亭畔鶴飛來

擊楫中流發浩歌  
秋風重返洞庭波  
不須更鼓湘靈瑟

江上青峯別夢多

嘈雜春宵夢不成  
人間有耳盡琵琶  
誰知瘴雨蠻煙裏

水月松風別有情

遣興

五十過頭髮雪新  
強將筋力試艱辛  
山川自古要荒地  
書劔平生磊落人  
敢謂當官無愧色  
卻因解組得閒身  
眼穿西北浮雲起  
送雨秋郊活萬民

貴陽城南寓館秋夜簡鷺門

山雲浩浩雨浪浪欹枕深宵燭焰涼  
人有秋情添索莫  
事如春夢漫思量鑄成鐵字難銷錯  
傾盡葵心只向陽  
愁病益堅投劾想故園松菊未全荒

幽軒簡鷺門

地僻幽軒敞荒荒白日過影稀  
秋樹瘦聲急鬪禽多拂  
鏡開塵障安牀卻病魔  
尙慙車馬到門未許張羅

憶雨亭魯山兩友薇署

匆匆小別意如何對榻秋聲夜  
雨多卧看盤橋三尺水

在薇署前紅欄杆外是銀河

墻外山橫劈斧斨捲簾秋倚獨  
吟身亭前一樹垂垂影



接葉巢鶯憶好春

署有接  
葉亭

病起

喚回午夢樹禽呼病起登堂瘦竹扶  
猛欲盡芟當路草  
恐傷生意忍須臾

中秋寓館遣懷

滴盡秋聲瘴雨闌井梧飄葉晚風寒  
葫蘆樣悔依人畫  
鞅線才羞補袞難使者槎回遙望斗

時欽使初頤園  
少司寇將還都

故鄉書到勸加餐團團銅鼓山頭月  
強起巡檐倚杖看  
敢曠廉隅負此官報

恩惟有奉心肝源深似海誰探底事  
大如天我發端幾

度縱猿開玉鎖一時彈雀失金丸  
回頭照徹閣浮影月  
鏡當空妥貼安

把酒居然月可邀木樨香裏坐深宵  
雲開左界星河轉  
霜壓邊城鼓角遙鄉夢每隨秋雁返  
吟懷多爲簿書消  
設羅門外無今雨賓戲何須賦解嘲

孤坐

砌草含清露庭枝減碧陰  
秋光隨所到客意與之深  
閉戶息羣動開編成獨吟  
昨非應早覺不必待抽簪

題畫

約畧煙村景春流幾曲長  
忽從深柳外迴憶舊書堂

野眺

睥睨高原萬象羅  
煙雲銷盡見關河  
樓前瘦影寒山出  
天末秋聲斷雁多  
丞相祠堂增慨慕  
將軍薏苡動悲歌  
沈寥對景心如結  
落木蕭蕭喚奈何

謝陸平泉學使餉酒食

簿書堆裏日喧轟  
得賦閒居夢不驚  
敢謂酸醎殊嗜好  
卻慙溫飽負科名  
寒垂雨氣廚煙滅  
秋放詩懷甕酒傾  
一笑菜園誰踏破  
累君分俸辦羊羹

贈前舍人周希圃司馬

起草挑燈鳳藻存  
紫薇花下酒盈樽  
京塵障面慙相識

蠻語裁詩喜共論  
凡事要須攻我短  
此生安忍負君言  
人間日月無私照  
真宰淋漓訴

帝闈

排悶

澗底青松枝叢木  
共行列秋霜  
一夕降屹然見根節  
回頭蒼蔚姿紛紛  
萬態滅吁嗟剛與柔  
本性自有別  
達人與物會慷慨  
心如結  
鼻難汎汎隨石詎  
嘒嘒缺持此矢  
幽獨書空無可說

畏寒

寒暑互爲根  
陰陽自陶冶  
火雲昨尙熾  
珠露今忽瀉  
秋

聲排闥來木葉下原野緬懷松與柏此是有心者更尋  
東籬枝瘦蕊信堪把乾坤有正色未許凡豔假感此意  
飛騰暮景勒奔馬西風掠鬢過浩然歎髮寡

徐鐵崖別駕貽佛手柑

色香味俱全指顧不可玩豈似霜中柑摘向洞庭岸感  
君意獨長持贈發三歎要從清淨中使我煩惱斷凜然  
具袍笏再拜漬顏汗垂光兜羅手得果阿難漢百年罽  
塵網何以脫羈絆佛云無可說拈花一笑粲

附和作 陳振飛

佛本眼鼻無何來色香玩偶然幻千手證果引彼岸

左右疑寶光回頭欲興歎結習總未盡鈍根亦應斷  
能爲卓錫控捧喝淡背汗誰超最上乘指點階下漢  
要令塵網中無復受牽絆去來衆香國夢回角枕粲

又

安嘉相

證果祇樹園變現非常玩從誰指迷津扶持登彼岸  
情類野人獻語與智者歎牟尼一串珠五字塵根斷  
羅誦黯自捫悟境淡背汗劇憐益益清墨瀋注天漢  
解脫色相空劈分世網絆說法歸上乘駢枝發一粲

又

武廷選

佛祖一拳開證果化奇玩嘉名錫飛穰產自南洲岸

織素削不成臨風興賞歎藉以指羣迷能使六根斷  
翻覆爲雲雨對此增惶汗香氣拂拂出天花散霄漢  
屈伸任自然大小了無絆置諸瑪瑙盤玲瓏光愈粲

早起

檐牙棲鳥喚屋角曉參橫夢到此時覺秋從何處生惺  
惺平旦氣落落暮年情寄語酣眠者雞鳴非惡聲

次韻答鷺門聞浙中憂旱之作

洪喬尺素未全沉愁寄邊城鬢雪侵一夜秋音思越咏  
幾人春澤頌商霖求田共作還鄉夢食祿彌增望歲心  
早晚菊花黃到眼與君攜酒快登臨

余旣賦佛手柑詩諸君子屬和甚夥清詞妙理美  
不勝收不翅華嚴會中諸菩薩現身說法愛莫  
能舍爰命繪圖倩諸君子各書和什並疊前韻  
以誌余詩雖不佳亦簿領堆中不易得之清興  
也

聞香卽證果得句愜清玩如逢古先生一一登道岸摩  
挲左右顧合掌再三歎誰云不二門必使文字斷拙詞  
莽脫手愧莫能反汗羣公靜者流何以傲風漢讀詩更  
讀畫結習尙牽絆他年得正宗豎指迦葉粲

秋郊送客小憩野寺



雙亭隻埃去來頻眼底風光閱故新  
九日寒花明晚節  
萬山秋雨送歸人  
難教下坂輪蹄住  
得傍深林鳥雀馴  
片刻僧窗塵夢醒  
木魚聲裏悟前因

希甫司馬古山刺史桂甫蘭圃兩明府見和前詩

疊韻賦答

好音麇和不辭頻萬口爭傳句法新  
手版何妨隨俗吏  
頭銜端合署詩人  
探珠海嶠驪猶睡  
夾穀郊原鹿已馴  
憑仗諸君潤鴻業  
詎惟文字結根因

英煦齋司農遠寄梅花畫筵題曰一枝春似寓菊  
溪孤芳自賞之意作此謝之

一枝濃染墨花開  
紈素生香半面裁  
展向蠻天秋又晚  
卻疑春色故園來

索笑檐前日幾巡  
憶君天上筆生春  
從今放出和羹手  
醞釀人間氣盡醇

擬小游仙詩

金銀樓閣鬱相望  
夢墮雲階路渺茫  
記得蓬萊水清淺  
一彈指頃閱滄桑

搔背須臾念不堅  
蔡經端合受神鞭  
要成忍辱仙人品  
更待人間五百年

來時冉冉去匆匆  
一握孤雲一葉風  
畢竟好音天上有

鳳簫吹出蕊珠宮

子解職後從事節署匝月以來兩歸寓館皆避俗

忌因作避鬼行

新鬼大舊鬼小泉下長眠不知曉天陰夜哭聞啾啾趨  
而避之恐弗蚤主人豈是吏目來其僕又死良可哀與  
予無怨亦無德返魄游魂敢相逼魍魎魑魅喜人過避  
凶趨吉理則那出門大笑掉頭去鬼兮鬼兮奈我何高  
明之家十目視抑掄到此窮其技呼鬼與語消煩寃死  
而有知當自恥

崔農村刺史見餉羊饅

驚起妻孥一笑譁

用坡公句

主人指動驗無差  
肉原善割誰

歸遺

去聲

羊本爲祥忽拜嘉  
朝飲定教民俗變  
老饕應許

賦詞誇閉門飽食成  
吾嬾卧看雨中黃菊花

贈初頤園少司寇

聽履星辰上玉墀  
忽移卿月照江湄  
立朝正色冠裳肅  
行部春風草木知  
度本汪汪撓豈濁  
名非赫赫去常思  
卽今六詔與人誦  
不敢欺還不忍欺

司寇前撫滇中多善政

手挽洪濤萬派收  
洋洋東海豈凡流  
詞壇錦繡文葩粲  
史筆風霜諫草留  
治獄世推于定國  
承家人頌石恬侯

退

朝花底春暉暖笑咏南陔色思柔

少年塗抹記猶會晚效馳驅鬢雪增衡雁聲催人憶侶  
黔驢技笑我無能干回視事千籌慮一度承

思一戰兢姑嘖正遭炎暑困賴公揮扇撲青蠅

幃帷暫駐撫要荒萬里重依使節光才愧疎傭非記室  
事煩諮度許升堂古人治術皆書卷瘠土民生重稻梁  
前席定抒宵旰慮調元海宇頌明良

晚眺寄希甫

遠山沈暮色老樹抱秋心繞徑百蟲語登樓孤月臨邊  
風紆指顧詩境入蕭森卻憶狂司馬燈前岸幘吟

送鷺門偕初頤園少寇之滇南

曉聽山城鼓角喧，春風遮道傳車奔。民心較我尤增感，  
少寇行後黔民感頌不已。吏事非君孰理繁。別後望雲思萬里，興來倚馬賦千言。要增結綠青萍價，畢竟須登薛卞門。

圖室關題壁

複嶺崇巒外，勞勞此送迎。平無三里地，孤結一年情。余至

黔已一年矣。破屋寒煙裊，荒畦瘦犢鳴。田間來幾日，忍不念

蒼生

頤園少寇以和鷺門安平早行詩見示次答並寄

鷺門

萬疊峯尖凍雪攢冷光和月照吟鞍頻驚旅雁沙中落  
定惜孤松澗底蟠蠻語入詩勞問俗春風隨旆已消寒  
馳驅忍勸東山駕天下蒼生待謝安

量移滇南留別黔陽寮友

蠻山繞郭瘴雲浮承乏來宣歲一周敢以素心隨汶汶  
慙無善政布優優民風視昔歸淳樸夷性及今要輯柔  
鎖鑰西南頻指顧

九重宵旰念遐陬

心勞政拙笑陽城簿領堆中白髮生每慨亡羊牢未補  
誰傳卧虎市皆驚金沙銀水思民力犵鳥蠻花識宦情

一樣春風吹滿路雁行北嚮我西行

龜長筮短卜還疑鑄錯而今悔已遲我寡那堪人口衆  
臣餘惟荷

主恩知絃條自問應難改廉吏誰云不可爲才俊諸公  
天下選好將儒術佐

昌時

南詔風聲接壤聞釜鳴甑墮太紛紜窮源須辨淄澠味

絕徼猶懸虎豹軍

時維西軍  
務未竣

勞者望塵愁足繭古人治

事戒絲苳起予他日呼將伯回首黔山倚暮雲

留別陸平泉學使



一年春坐絳帷深喜聽絃歌遍士林銅柱夜盤珠斗氣  
牂江清瀉玉堂心新詩贈我頻題筆

時以詩  
楚見貽

知己逢君

恐碎琴忽漫他鄉勞折柳短長亭畔碧陰陰

九枝燈翦座傳柑大好春光晚興酣

學使元夜過飲明  
日余被命赴漢

昨夜酒懷風左右前程馬首月西南事多未舉行難決  
恩重難酬老更慙笑飲瀾滄江畔水可能苦口味回甘

郎岱道中

十里春雲態千山曉日暉雪融泥滑滑風軟柳依依推  
髻夷音雜盤切繡壤稀炊煙散林杪幽壑啟荆扉

原隰分三壤關河界百蠻天開歡喜嶺人憶割愁山生

聚紆籌畫爬疏冒險艱黃金應不朽長鑄相公顏

鄂西林相

國經理黔疆  
遺愛最多

往者蠶苗梗會煩駐節旄田廬半荆棘屠賈競錢刀幾  
載烽煙淨三春米價高寄言肉食者瘠土念民勞

徑仄緣峯轉低昂又一坡雲垂荒服遠雨到漏天多宦  
轍勞車馬鄉心寄薜蘿戍樓翻夕照迢遞雁羣過

次答頤園少司寇除日再遊龍泉菴看古梅和陳

鷺門韻

又引探梅興來看眾壑青花如濃雪聚泉作古琴聽佛  
界籠詩壁天涯載酒亭南枝開正好容我做林扃

人境斧斤絕長含太古春  
煙霞招鶴侶霜雪伴松身  
瘦影淡橫水暗香清襲人  
巡檐重索笑誰識去來因

清樽展幽眺賓從共歡然  
何日脫塵網此中留洞天  
魚龍參妙化文字破枯禪  
萬里春歸早相看又判年

未許寇公借爭傳司馬名  
留芳同此樹選勝每怡情  
碑版鐫新句鵝鸞憶舊盟  
歸途遍歌舞時司寇奉  
召還朝椎髻百

蠻迎

拉幫坡

天近西南萬里程人來東北一年情  
平生歷遍崎嶇路到此看如手掌平

誰揚巨斧闢蠶叢左右旋看線路通一笑往來人似蟻  
團團都在磨盤中

老鷹崖

羣峯突兀氣張王十里五里鬱相向羅甸西來橫側看  
危崖卻出青冥上噴雲洩霧萬靈秘未經開闢誰能狀  
同履大方戴大圓到此翻疑礙而妨蜿蜒細路風雲通  
巨斧何人剗疊嶂南瞻六詔北三楚兩戒山河此屏障  
我行馬背駝春雨泥滑蒼苔意惆悵快哉晨煦揚前旌  
萬壑飛光豁嵐瘴空中放眼寄寥濶天外舉頭絕倚傍  
築台休喚野鷹來一笑臨風發高唱

關嶺晚眺

村林黯黯背斜暉，畏虎關門履跡稀。  
誰放晚風吹野燒，半山煙捲火龍飛。

蜂房穴壁倚青燈，野鶻盤雲最上層。  
百尺苔痕千仞雪

會勞士馬夜扳登

戊午春官軍  
勦种苗經此

茅口鎮

淺灘淨淥鳧鷖沒，小雨濃陰竹樹兼。  
石罅何年穿雪瀑，人家終日住煙嵐。

隔溪愁見墮飛鳶，春水方生毒霧連。  
到此渴腸堅不飲，似妨人笑酌食泉。

此地多瘴  
水不可飲

黔陽道中讀英煦齋少農扈蹕灤陽詩奉題二十

韻兼志別懷

舊夢三年別新詩百首賡日邊詞客句天末故人情騰  
蹕風雲會雍容雅頌聲江湖星紀使台閣月惟卿雞舌  
含香近鸞輿奉轡行薊峯連上塞灤水繞邊城肅肅調  
弓矢悠悠倚旆旌煙中鷹搏擊林外鹿呦鳴得雋豨同  
獻呈材驥有名賜衣黃近幄錫羽翠影纓

少農從圍射  
鹿奏進蒙

恩賞黃綈花翎並賜食  
預宴洵儒臣寵遇也

味識天庖異音聆

帝樂清何人叨侍從如此沐

恩榮聿展干霄志彌深愛日誠古槐垂第宅慈竹蔭軒

楹花暖春扶杖醪香笑酌觥

太夫人康強上壽  
君岐嶷克紹家風

竹飛

丹穴鳳同聽上林鶯天許家聲振人誇治術精固應長  
捧日還擬待和羹步凜金階滑身堅玉柱擎黑頭公自  
重白髮我從生

早發安平用鷺門韻

瞥眼銀花火樹攢

上元後

一日聞量移滇南  
命卽瓜代啟程

試燈風裏

促征鞍鴛蹄每自愁顛蹶頓刃何堪試錯盤東陸日回  
春旬影南枝梅破驛窗寒聞雞夜半披衣起或免行人  
誚宴安

繞郭峯兼雉堞攢曉程煙重滯行鞍月銜蠻峒林虧蔽

馬踏春泥路屈蟠桑下宿留前度夢雪中吟記隔年寒  
眼穿六詔風旌裊到日將心與我安

簡書手奉客眉攢老效馳驅學據鞍燈火叢祠金馬祀  
雲雷古洞黑蛟蟠蜺蟬畢竟分清濁冰蘂何曾畏苦寒  
寄語春風栽萬竹五華山畔報平安

初秋同人集後樂軒分賦

得冰字

太華銜窗翠幾層小樓閒倚暮懷增頻煩民力邊烽急  
大好秋光晚稼登萬里心情雙鬢雪卅年名字一條冰  
得誰共了公家事簿領堆中樂未曾

附陳鷺門詩



庭梧秋色晚涼增  
雨到催詩媿未能  
展卷難偷新格  
律登堂還集舊賓朋  
才人吐屬皆風雅

聖主都俞寄股肱  
誰識籌邊辛苦事  
上頭髮白凜如冰  
七夕冰菴鷺門集譽處堂以牽牛二字分賦

秋至絳河出起看星滿天  
簾櫳沉夜氣城郭散涼煙  
對酒豪情減懷人別緒牽  
江船同陸馬鄉夢隔年年

嘉客開蓮幕 冰菴 才人造鳳樓 鷺門 各抒千載韻同寫

百蠻秋寥落驚鴻雁  
蒼茫倚斗牛雪山征戍久  
竚盼捷

書投

口占

病亦難閒吏滿堂藥爐煙裊鬢絲長腹膨卻似侏儒飽  
不藉仙人辟穀方

閱裴吏試藝作此勗之

食字何妨似蠹魚青燈有味在三餘  
鄴侯架上牙籤滿莫讀司空城旦書

秋日寄煦齋少司農

他鄉四度聽秋葢欲寫離愁下筆慵  
萬里獨看溟海月十年同坐掖門松  
故人才望如雲起舊雨情懷似酒濃  
三復仁言重金玉不禁低首淚霑胸

袋魚腰笏少年歡老去方嗟投劾難如此

主恩慙報稱  
向來門戶記單寒  
身多疾病懷鄉切  
民困軍儲仰屋難

時維西軍務未戢

尙有壁琴弦  
未改爲君重解舊

囊彈

次答葉琴柯學使見贈

年來華髮不勝簪  
慙愧重題漢上襟  
亂眼有花紅映白  
多情量雨舊非今  
斜暉未遠猶追日  
古調難賡欲碎琴  
那得袒肩依佛座  
大千降伏去來心

附葉琴柯學使重陽前二日曉起贈詩

玉堂曉坐感華簪  
繞砌寒香澹素襟  
秉政已兼才學識  
歷時久悟去來今  
延賓座有新馴鶴  
寫韻囊留舊

鼓琴

見先生贈煦齋少農詩

認取水壺清可鑑定應相對息機

心

夜坐

掃門來清風浙漚竹枝舞寒雲夜垂地坐聽空堦雨感

此節物遷祇益宦情苦危機觸前痛反走市驚虎

謂去秋黔

事豁然天眼開一笑腐儒腐年衰智慮薄尸位竟何補

昨從田父遊生意賸村塢平生愧識字吾不如老圃歸

來濯塵纓聒耳厭衙鼓徘徊耿不寐粲粲燭花吐

公暇枯坐適浙西司馬方藕塘見過卽贈

一室清風冷似冰

東坡句

焚香掃地在家僧客來驚起孤

眠鶴轉過花陰喚不應

吳山越嶠夢模糊惆悵蠻煙繞鬢鬚今日官齋塵牘少  
共君煮茗話西湖

中秋夜雨范青子次夜坐韻見寄疊韻答之

人情隨月遷愁病雜謔舞今宵萬想滅孤抱入秋雨乃  
識平等心未許判歡苦流連釭面蟻騰踔詩壇虎酣吟  
出神妙一意化臭腐至竟凋心顏反求一無補天游其  
神全藹藹盡春塢撫此晚節香

青子以  
菊見貽

期君在老圃簷

聲漸停溜默坐數街鼓斜光低瞰人樹抄銀蟾吐

守意龔詩集卷二十一

三韓 百齡 菊溪著

癸亥

癸亥七月既望與魯山鷺門二友坐後樂軒話舊  
憶去年今日在黔緣事解職相與歎息久之因  
作此詩並寄魯心齋程認齋周希甫徐鐵崖崔  
農村劉右山安桂甫武蘭圃諸君黔中四首

南來幾見月盈虧又對涼颺感鬢絲老去此心無住着  
眼前何事慰衰遲秋窗聽雨遙相憶畫嶺看雲有所思  
記得泔江風浪險去年今日落帆時

何曾驪首着先鞭快意蚊蚋競撲緣羽積也知難折軸  
舉鳴詎料竟聞天身留有待須安命事過無痕已悟禪  
一笑故人同舉白不須杯面怯弓懸

眼暗燈昏暑牘煩百重堆案敝精神每思梅福真仙吏  
不信王敦是可人猛氣何嫌霜隼擊機心難遣海鷗馴  
白頭自問無長技獨立茫茫愧此身

寫憂直欲賦無題庭樹秋聲颯以淒如我自觀成古井

喜君相引陟丹梯柴桑底事歸田早

農材引疾

園吏何心論

物齊

蘭圃罷官

昨夜屋梁見顏色照人明月夜郎西

寄永錫齋中丞普洱二首

望塵樞府舊時曾秉鉞南來白髮增

三十年前相見于樞廷

萬里

春敷羅甸雨十年心凜塞垣冰

中丞自西廛至滇

行邊不擾民

稱便臨事無疑

帝曰能

時中丞查辨邊務奉有足見能事之旨

從此瘴鄉消燧警九龍江

畔黑波澄

堠吏模稜坐失機檄傳威信釋羣疑蠻心只有天人服

時務端惟俊傑知到處蒼黎咨疾苦古來荒檄示羈縻

願君更展籌邊畧一紙書賢十萬師

時維西未罷師囑勸琅制軍議撤

錫齋中丞寄駢生木瓜

疆有瓜疑木可緣坐看纍實貫珠然玲瓏絢日金丸綴



左右牽風鐵腳連許我遠分香脉脉爲君持誦糜綿綿  
從今不數宣城繡鬪葉分枝各自妍

紅白綠三色蓮花

十丈誰探玉井蓮一枝標瑞向南天漫分異采誇三醉  
合結清心証四禪儼以重臺蘭旖旎霑之五色露芳鮮  
靈根自是飛來種優鉢曇花好共傳

題月明樓閣在空虛圖

聳翠流丹妙筆摹一層層影界天衢山川豁達銜明月  
樓閣玲瓏入畫圖照澈大千秋鏡朗浮來西北夜雲孤  
憑君欲問淮南子拔宅飛昇事有無

若有人兮畫檻凭青雲梯迥喚誰登上方空洞看如此  
下界喧闐隔幾層夢醒壁窗要月早秋歸湖舫記吾曾  
樂天枉作勾留想欲住蓬萊恨未能

十月初七日蒙

恩擢撫粵西恭紀

陳臬于藩力未宣

恩深四載荷三遷

余由藩臬忝任封圻甫四年耳

冰淵志肅前修勵

稅材慙重任肩

在滇奉有益屬前修之恩訓

引領近

光雙闕下厚顏開路八騶前山川南紀頻誼度羅甸蒼

梧繡壤連

清班奉引卅年頻晚歲馳驅逐宦塵往日愆尤長自省  
此邦疾苦未全陳防川畢竟難防口任力何如更任人  
振起衰慵貞末路白頭鄭重報

恩身

別滇南寮吏

集霰霏霏浥路塵辟寒天放小陽春憇無棠可留遺愛  
宿有桑堪証夙因

階舞羽干苗盡格地多寶玉吏長貧秋禾被野邊烽熄  
醞釀民生仗替人

了事公家亦大難臨分傾抱向同官與誰味敢酸鹹異

留此心憑案牘看城角山移雲萬里馬蹄泥滑路千盤  
來逢春雨行逢雪我共漁民一樣歡

板橋驛阻雪

出門大笑西向顧萬笏青山別烟霧滕六作雪巽二風  
似欲留行塞征路眼前九十九泉鳴浪激盤江條斷渡  
馬行黃潦泥沒尻遠近坡陀懼顛仆二三送者自崖返  
數擔輕裝滯昏暮翩翹凍翅號沙禽瑟縮蒼皮卧村樹  
板橋流水大可飲味美于回那能吐此身笑作賈胡留  
行使止尼信天數燈青火冷不成寐坐聽深宵簷溜住  
前程努力告僕夫石頭路滑牢着步

寄別葉琴柯學使

噦羽揚西臺文光麗南斗  
弦詩暨蠻貊騰譽萬人口  
我來春風中依依賦楊柳  
推襟瀝情悰惠好竟忘醜  
識君過庭時卓犖呼小友  
翩然龍與鸞逸氣壓凡偶  
祗徊二十載措眼難息久  
揚烈誦清芬樹立蘄不朽  
吾衰謬持節濟物一何有  
周行示祖道意不在尊酒  
汪汪流昆波盪盪倚華阜  
遵塗晴雪消臨發數回首

寄黔中安順郡守魯心齋

賣刀買犢問桑麻老守聲名渤海誇  
一別春風記楊柳重來秋水賦蒹葭  
關心朋輩音塵隔

謂劄齋希甫鐵崖  
農村古山桂甫蘭

圖譜  
君一拍手兒童笑語譁憑仗使君勞行役莫辭酒盞照  
燈花

公晴巖方伯和余夜坐詩疊韻酬之

結交少年場壯志聞雞舞功名迫晚歲一別慨如雨蓬  
生麻自扶節甘荼則苦每占覆餗爻色變若談虎君持  
方輿圖流水自不腐和神妙醞釀細意勤綴補遂令寒  
黍谷燦若春花塢我來重問津歌聲在場圃行登甲秀  
樓共扣山中鼓離懷千萬端把酒一傾吐

再疊夜坐韻答伊小尹觀察

瑤緘遞鴻藻快讀軒乎舞想當落筆時健若驚風雨此

中要妙音誰識用心苦君才其猶龍可但誇繡虎嗟余  
掠凡豔倏共草木腐從政晚逾拙思過退難補譬之沙  
礫場何以築金塢搗來益疲慵念念在農圃蛙吟不自  
哂謬持雷門鼓行拾咳唾餘萬丈光芒吐

曉發楊林

未礙輕裝犯曉行山雲淅淅石庚庚占豐黍稌千村景  
望遠關河萬里情誰識金銀浮夜氣要知蠻獠是蒼生  
六花吹遍楊林雪笑倚西風得句清

馬龍州旅夜

遠山青抱重茅屋野水聲喧獨樹村落盡斜陽鴉背影

冷烟濕雨又黃昏

山村好語聽欣然今歲還逢大有年

用坡公句

莫採金華鑿

銀璞已看瓊雪遍農田

豔豔燈花照雪明小軒松鶴伴孤清衾寒夜半膚生粟  
夢醒雞鳴第一聲

過滇南勝境坊宿黔中亦資孔驛

山河萬里界嚴程雨雪霏霏送客旌豈似黃州蘇軾別  
卧聞鼓角亦多情

寄葉琴柯學使

交手東來已浹旬登山臨水意逡巡照顏宵倚三更月



撲面寒增萬斛塵每感晤言成俯仰定多詩句出鮮新

蓬萊別後波深淺欲問金鰲背上人

謂史漁村太守

普安道中喜晤程訥齋太守卽次見贈韻

山河禹甸界要荒弭節重來問井疆四境袴襦歌衆母

百蠻耕鑿戴

天王聲摩盾鼻麟毫健

訥齋從軍苗疆奏績賞戴花翎

采耀冠纓鳳羽

揚要使治行書第一似君真可勵官方

清勤戒石奉良規拙宦年來力已疲覆餗懼難安鼎足

漸遠慚許附鴻儀低徊舊跡看如夢攸往前程問所宜

正是日迴南陸景

恩光隨處照無私

茅口鎮

老樹斜陽遠岫孤  
村流水人家舴艋撐  
喧鵝鴨兒童笑  
聚磨猴

問道毒淫溪水何人燥  
叻霑濡莫憶烹茶七  
椀祇須載

酒百觥

水有瘴毒  
不可飲

重過拉帮坡

驛騎凌風雪重攀  
疊嶂行深叢樵唱遠  
細路擔夫爭曳  
險勞疲卒凌虛轉  
客旌孤烟生澗底  
膈膊午雞鳴

連日耦唐鷺門不作詩作此挑之

南來飛鞚萬重山  
社燕秋鴻共往還  
釀雪白雲垂野濶  
冒霜紅葉隔林殷  
地因葑醬夷通漢  
人詠陬媯語作蠻  
火急吟詩鞍馬畔  
一聞衙鼓未教閒

重至郎岱題辜遜齋錄事齋壁

夜雪收寒陣  
晨曦放暖暉  
餘糧秋隴滯  
老樹舊禽依  
歲稔風光藹  
官清訟獄稀  
邀人留晚興  
燈火欸柴扉

圻堠消烽火

天威懾百蠻  
澄江巴字水  
明月夜郎山  
舊跡沉銷久  
前賢創建艱  
攀帷勞問訊  
童叟共歡顏

心齋留飲郡齋

相逢握手語言頻六詔歸看鬢雪新尙喜鶴琴隨太守  
又招風月倩詩人登堂我共燈花笑把盞君如酒味醇  
頭角摩挲驚醉眼抱來天上石麒麟

是日即君出見

贈周希甫太郡

一笑瀾滄江水深東來擊楫發高吟不教茵露征衣染  
已見秋霜鬢髮侵入境雲山曾識面懷人風雨定關心  
東坡未厭居夷久載路頻聞韶濩音

用坡公嶺南寄毛擇方尺牘中語

寄滇幕陸冰菴

一帆風月滯昆湖豪氣元龍尙未除萬里才名馳幕府

翩翩書記憶元瑜

別後應添憶我詩  
雪花如掌路迤遲  
傳聞桂嶺香如海  
可要臨風把一枝

題鷺門望雲圖卽送歸浙東

春風飄嶺雲  
小雨泥塵陌  
臨分一樽酒  
惆悵異鄉客  
客裏琴書惜寸陰  
知君愁抱望雲心  
眼穿隴鶴歸華表  
夢斷江鳥繞故林  
重重烟墨憶親舍  
寸草春暉痛難寫  
那得長爲膝下人  
披圖老淚同傾瀉  
記昨逢君入洛時  
簫雲騏驎識權奇  
東觀大海南登嶽  
萬里風雲驛騎隨  
自京師從余宦游  
遊遼左越西楚  
黔滇粵之間未嘗  
嘗一日離而牂柯  
噩夢伴我驚魂  
尤足感也 卅危盤  
錯君曾見倒意傾  
心共憂患駭浪驚  
看擊水鯢奇毛豈

是依人燕年時采筆涿干將蠻布新詩遍夜郎

鷺門有苗風詩

百首一時傳誦

春月醉要羅甸影秋風催送桂林香男兒立身

天下傑忠孝文章樹奇節聯步丹霄慰所期莫言聚久  
難爲別別後麈雲倚寢門摩抄此卷共誰論憑將永叔  
瀧阡表爲報鳴機截髭恩嗟余薦禍書難就愧說平原  
買絲繡臨風鼓棹渡湘灘回首烟嵐峯獨秀

鷺門從子游七稔矣茲將北上長安出望雲圖索句  
爲別以凌雲之才遂瞻雲之志顯揚事業在此一行  
惜子以從政廢學不能抒寫萬一耳時嘉慶九年二

月既望

題初少寇雲樓縱目圖

一層欄檻一凝眸  
占得風光在上頭  
萬里邊雲晴繞座  
五華春雨翠盈疇  
星辰履跡丹霄迥  
蠻獠烽烟絕域收  
誰識范公憂樂意  
披圖人憶岳陽樓

龍關雅嶺接田廬  
展眺臨風一惘然  
詩筆生香梅共詠

先生有龍潭翻梅詩余曾和韻  
心光留照月常圓  
着鞭我愧知途馬繫

纜君迴下水船  
謂點中事  
何日五雲聯舊雨  
故巢棲傍鳳樓

前

又題初少寇弭節還朝圖

雪痕柳影認希微  
來往星軺載道輝  
笑遣吟懷頻駐馬

一鞭隴上白雲飛

惆悵蠻烟瘴雨連班生此去若登仙

玉宸朝罷重回首萬里蒼生在目前

寄懷英煦齋少農扈

蹕

盛京舊作

憶奉清塵

帝里中橋山裡祀肅羣工流泉周澗知源遠納稼幽場  
詠歲豐龍虎風雲關塞北金銀樓閣海門東攜華莫豔  
京都賦軼蕩乾坤仰



聖功

鴨綠江聲繞畫輪扶餘草木盡回春至今析木津邊客

猶問金華殿裏臣

少農于庚申春奉使朝鮮歸晤余于瀋陽試院

塵壁紗籠傳

好句雪泥留爪悟前因定應退直邀明月把酒瓊廬憶

遠人

守意龕詩集卷二十二

三韓百齡 菊泉著

甲子

題胡西庚學使花月經相之冊兼送使滿還

朝

冰輪今古向人圓空谷留香分外妍原是廣寒仙第一  
難忘月地與花天

君參佛乘我文章盤裏晶丸袂底香記得鏡花還水月  
論詩妙悟有滄浪

幻成玉貌洗鉛華離卽雙雙証不差一片空明心似水

本來無月亦無花

分襟知傍日華邊轉眼鹽梅入相年重到玉堂應有憶

故事入閣於翰林院到任月明歸院撒金蓮

奉和西庚留別原韻

浩渺雲飛遠近岑海邊悵望此分襟到時

聖主方虛席去後諸生願鑄金安定門多真學者文恭

集富頌天吟

宋人集惟胡文恭宿多至五十卷廣揚居半君方以經進及平時詩文見示他日一

品集成當亦還夏然盈尺也

朝更展爲霖手豈獨栽成桃李陰

曾躋蓬頂冠瀛洲喜託同方共宴游接跡經年何荏苒

論詩移晷幾勾留誰能遣此憐將別我欲從之歎末由  
寄語故人天上侶肯教衰拙逐時流

連得梅林書卻寄

自我送君行茫茫思遠道平生知己懷覽物時戀嫪近  
喜數遺書遠情一一告言還都門後老親欣健耄祇爲  
祿養謀未得從高蹈暫遊過盤山百里逐幽好時時念  
故人枝棲良可就博施上相懷廣廈均覆燾疇昔我爲  
言秋陽定偏照刺可貴門投斷無達人誚但得幕府閒  
一卷領其要無違遠大期致負殷勤詔省書讀未終涕  
下還嗟悼自從錄別來蟾輝經幾耀閉門每誦詩窮居

只守約貧賤託身難豈敢乖名教時將寸心持常恐徒  
悔懊已辱相公知每上書必報南陔菽水貧負米應歡  
笑秋風涼氣發庭樹日凋耗自顧無衣客嘉節迫吹帽  
念將忍伶俜不辭辛苦冒非惟堅性心亦日聊自劭憶  
昔到君旁訂交詫年少論文復論心握手歎神妙無何  
二月春我刺鍾吾權遂遊芳渚軒日夕展清眺酒賦而  
琴歌張皮射鵠校舉帷引拜毋賜食後堂犒有時教屬  
文代棊林作芳渚  
軒記書丹刻石詞必去紕繆計曾六旬居日日無不  
造至竟感別離當時苦未覺知君重相思記憶能稍稍  
爲寄感交篇舊事述猶效

贈效號宥通見毛詩  
易象國語彞詞易林

寄弟

西向長安望眼摩迢迢鄉夢隔關河弟兄差喜身同健  
書札殊嫌語不多遠宦簿書風味減小園花木雨聲過  
閉門須作深山想老屋殷勤爲補蘿

五月十一夜與郝恕堂上舍坐義衝堂老樹下玩

月作

逢逢衙鼓文障收抱簿吏散毛錐投堂東老樹夜延客  
瘦影已約銀蟾留支牀箕踞坐擁膝舉首浩浩天光浮  
斗杓芒垂塞北嶺海角氣逼城南樓罡風忽送碧雲朶  
似有羽客逍遙遊珠宮貝闕鶴聲滿下界鳥鵲空啾啾

此時目遇心與謀松濤擊碎愁人愁彈碁詎招上下手  
觀水要識東西溝出泥不滓力惟象迎刃便解神無牛  
與君嗒然相視笑據梧彷彿借莊周簷前燈暗玉繩轉  
時夜將半吾其休睡鄉一入喚誰覺兩三童子皆垂頭

中元日郊行

積水明城腳銀蟾貯影深諸緣消夜氣萬井逼秋心日  
月橋山拱風烟宰木森艱難思締造灑澗矢謳吟

松山恭紀

夏后開疆井軒皇列陣圖

指揮羣策定

捷伐萬靈趨勝國忘金鑑孱臣縮玉符書猶陳遠驛戈

已倒前途本未嫻軍旅空勞簡卒徒自天飛將下

崧山之役

明兵號稱十三萬

太宗遣楊萬里將

匝地夜圍

軍自山馳下陷陣

擄其帥降者甚多

呼歸命林棲鳥追亡幕集烏山河恢地軸日月運乾樞

想像餘威懾經過舊蹟紆耕烟農拾戟獵雪戍彎弧事

紀擒暉鳳

文垂誦典謨

御製集有  
崧山詩

煌煌天柱

山名

迥永鎮海東隅

甲子冬展

覲赴都途中寄丹圃五弟

記別家山漫五春朝



天今喜作歸人報君面目還如昨只有霜華點鬢新

趨庭曾望歲三遷回首松楸淚黯然見到受

恩親不見焚黃空向墓門前

時蒙

恩賞戴花翎並  
特賜太子少保銜

榮澤渡河

金堤百丈蝥龍蟠歲議宣防役力殫故道揚塵虛上策  
蒼生有命障狂瀾晴消夜雪兼沙湧曉濟東風鼓浪寒  
豈果導源竟無術欲尋星宿海頭看

守意龕詩集卷二十三

三韓一百齡  
菊溪著

乙丑

乙丑六月廿六日拜總督兩湖之

命感

恩述懷四首

忽傳

丹絳下觚稜稽首南天益戰兢每念受

恩常過分若論守土究何能鯁驅溪淨征帆穩

時內河盜風稍

嚴春稻亦獲豐收

雀喜倉充早稻登

包孝肅端州詩倉充燕雀喜

三月心勞

慙政拙簿書堆裏鬢霜增

花田香浦競華腴水蠶山豨性復愚除惡可堪滋蔓草  
旌廉難得見還珠幾人虎節持天上何日鯨波靖海隅

洋盜尙未聚殲悵惆宦情拋未了夜深風雨滯征途

不教藏過宰官身夾路香燈照水濱

連日士民遮道相留既行復返繼乘

馬夜出乃登舟

豈有去思留異日從來直道在斯民同其好惡

情能洽釀以詩書氣自醇付與諸公勤撫字未妨單騎

出城闈

渺渺珠江一葉舟棹歌催泛洞庭秋百蠻聲教傳銅鼓

三楚風煙擁鶴樓老去鞭心崇晚節年時

垂訓勳前修

向在滇南奉益  
勳前修之論

恩波萬里江湖海回首東南憶舊遊

送汪耦唐歸武林

叅軍蠻府誦新詩早聽逢人說項斯

耦唐官滇南譚古  
愚中丞亟稱其才

及余藩滇而  
耦唐適挂冠

一樣點蒼山色好我來偏值倦遊時

如此才名如此官年來青眼幾人看竟教閒卻絲綸手  
歸向之江把釣竿

牂江振舵水浮空又挂春颿桂嶺東

耦唐從余於癸亥  
秋由滇黔至桂林

乙丑春復  
至粵東

何處不勞風土記瘴雲蠻雨笑吟中

一壺官酒一囊書了事公家興有餘似覺與君同嗜好

詩意齋詩集卷之二十三  
一  
未妨來食武昌魚

題琢庵漁笛滄浪圖

煙蒼蒼水茫茫江村楓樹秋夜涼瓜皮艇子菰蘆傍漁  
歌起處疑瀟湘何人短笛吹清商游魚出聽孤鶴翔天  
地自空濶風月同徜徉人間醉夢那易得此樂玉簫金  
管何必尋沙棠憶子一棹寒山陽買漁沽酒回橫塘翦  
此半幅吳淞光綠篔簹青箬添畫我濯纓濯足追滄浪

曲江道中寄別茅耕亭學使同年

萬斛詞源瀉海濱硯池風過水流春

仲春晤于  
端州試院

升堂喜

共燈花笑把袂驚看鬢雪新檢點琴尊思舊雨推排科

第忝陳人憑君畫日摩雲手仗節來扶大雅輪

老傍金階緩緩行柯亭草木舊知名遊梁枚馬曾傳賦

學使久值南書房  
與諸王公倡和甚夥

入洛機雲又繼聲

兩嗣君  
皆高科

宦逕獨

來還獨往心源同派自同清明珠翠羽看如土不負燈

窗畫粥情

朝看春燕暮秋鴻

余三月至粵今  
赴楚已屆秋初

來往江干一棹風疾

苦問民情未達酸鹹與我味誰同連塍稻雨晴銷暑遠

岸峯煙翠掃空猛憶此時官燭翦向南孤坐絳帷中

峽口迴環帶水分九成臺畔綠沍沍瘦藤繞澗牽船住

飛瀑穿松隔嶺聞出海雲霞攜好句

學使以詩  
箋見贈

渡湘蘭

芭襲清芬他時對酒重邀月吹笛黃樓憶鶴羣

書姪保廉畫筵後

一晌心閒憶舊廬亞蘭花放雨晴初退之老去支頤坐  
得句應教阿買書

題顧伴槩明府梅邊吹笛圖

一卷香分處士家才人風格最清華不須更擬黃樓笛  
春滿江城樹樹花

公家了事未嫌疑一舸閑尋畫裏詩

向遊西湖欲往只  
孤山探梅未果

有梅花應笑我不曾題句寄南枝

乙丑嘉平五日顧伴槩明府初度有黃樓許客夜

過酒酣高歌爲壽余翌日聞之作此簡伴繁

傳柑小閣漏聲微四照花明絳燭輝人過黃樓吹玉笛  
壽筵高唱鶴南飛

立春前一日家菊坡觀察攜酒夜過賦謝

如穗燈花照寂寥一樽相對話深宵殷勤報我春歸早  
明日東風上柳條

郭蠡堂錄事索書兼餉魚鱗

夢中幾見筆花生曉拂研光照眼明垂老未忘塗抹興  
春蛇秋蚓任縱橫

江干春望意躊躇每憶烹鮮罷釣初一笑堆盤風味美



累君親贈武昌魚

守意齋詩集卷二十四

三韓 百齡 菊溪著

丙寅

丙寅正月二日

隱囊孤坐篆煙清  
鵲噪庭枝報曉晴  
紅日射檐寒雪落  
隔窗點滴作春聲

正月五日寄顧仲樂明府

重城開曙色萬瓦濕煙流  
雪意濃堆屋江光暖入樓  
焚香參道味覓句豁春愁  
猛憶陶彭澤斜川五日遊

人日蠶塘餉春蔬

江城煙樹媚初陽冉冉東風到草堂  
花氣簾前人日暖春聲雲外雁  
天長上心陳跡詩如夢過眼韶華鬢已霜  
翦韭殷勤豈無意要令識得菜根香

正月九日不寐

壁衣風過散爐煙耿耿春燈照獨眠  
一握孤雲天尺五起看星斗夜窗前

題王壽萱司馬帶子從軍圖

篝火叢狐列戍驚詞壇投筆請長纓  
平淮策定風雷迅論蜀文傳父老迎  
上將掄才皆柱石郎君繼武是干城  
他時

詔畫雲臺裏小范名齊大范名

題壽萱司馬招降圖

關雲隴雪路冥冥馬首寒芒戴曉星探虎穴中操勝算  
先生胸有度人經

鶴唳風聲間諜頻羽衣飛度宰官身

司馬改道裝往招降者數百人拈

花一笑天魔伏始信維摩道力真

題吳耘齋乘風破浪圖

笑作人間汗漫遊天風吹渡不驚鷗憑君欲問支機石  
貫月槎應泛斗牛

迴首鯨波處處奇江邊風信幾人知而今莫唱公無渡

已是抽帆到岸時

正月二十日北還舟行漢江中父老追送于道徐  
秀才以詩見投次答

如此歸舟急風光際令辰林花紛送客山鳥競鳴春詩  
句傳村塾香燈匝水濱不禁揮老淚低首愧斯民

鹿門舟中寄武昌郭蠡塘

回首荆門郢樹煙江村鼓角送歸船多情憶爾黃樓月  
別後清輝兩度圓

樂天枉作勾留想何武虛傳去後思誰使路人長墮淚  
至今惟有峴山碑

早發襄陽

不盡長江浩浩聲，襄陽耆舊結遙情。  
習池只有山公醉，峴首誰題湛輩名。  
自惜流年搔短鬢，又煩春雨送歸程。  
綠楊村畔停征馬，寄語山禽好勸耕。

新野道中

已卸江帆策馬行，夢中猶聽擢歌聲。  
波濤大澤回頭暗，雲日高原望眼明。  
雨霽村塍抽宿麥，春深林谷出新鶯。  
故人尺素書頻到，寄我當歸無限情。

南陽訪武鄉侯草廬故址

老柏陰濃拂舊墟，春風十里路紆徐。  
卧龍岡上煙雲繞

睥睨乾坤一草廬

來往崔徐處士風蕭然高卧志難同何人尙屈先生拜  
只有襄陽龐德公

清明葉縣道中

不期行路難如此車脚泥深馬力疲愁坐欲尋田父飲  
晏眠應被旅人譏用齊太公逆旅事頻聞細語調鶯舌又見新  
煙散柳絲麥飯故園誰上塚白頭吟望不勝悲

宿裕州堵楊村寺中暢圖

真同胡賈慣淹留乘興還爲秉燭遊正好東風寒食近  
玉蘭花放碧池頭

馬飢僕倦卧風埃白板雙扉掩綠苔難得小園今夜月  
寺樓東畔共徘徊

陳雲柯太守送余北還信宿江干別後寄懷

晴川望望碧浮空楊柳依依鄂渚東  
駭浪昨猶喧夜雨歸帆今喜送春風  
棠留南國思循吏雲柯守郢上有聲燭剪西

窗憶病翁手重五斤喙三尺故應顛倒簿書中

詔下金雞淚滿襟小臣愚闇

主恩深退耕敢作悠悠語報

國猶存耿耿心老馬蹶塵無善步瘦桐懸壁有清音  
近來名士吾能說才器如君未易尋



趙州旅館題壁

風塵冉冉送年華  
北轍南轅道路賒  
忙處人多閒處少  
喚誰來喫趙州茶

觀瀾秀林兩友赴趙州橋尋仙蹟未遇

石欄杆外莽雲煙  
問訊高真意惘然  
只怕相逢不相識  
化身千億在君前

客舍春燕

呢喃亦似念家山  
繞檻穿屏數往還  
寄語巢痕猶未埽  
將雛重到杏梁間

不須翻幕更驚心  
樓向春風老屋深  
憑仗主人憐弱羽

脚環應作報恩禽

渡河宿亢村驛

岸樹煙消旭日紅  
沙堤排浪倚長虹  
天垂冀野雲山北  
路轉嵩陽軌轍東  
漠漠村田滋夜雨  
洋洋河水濟春風  
六年四度郵亭宿  
宦跡真如踏雪鴻

重過邯鄲鎮追和查初白先生韻

依舊荒亭傍水涯  
春風古道又停車  
三生莫問來時路  
一枕誰忘夢裏家  
野鳥喚人聲宛轉  
舊詩題壁字橫斜  
壯懷消盡頭如雪  
眯眼驚飛萬斛沙

三月四日回都初六日乘傳赴閩

海上歸來鬢已皤而今應唱定風波短衣匹馬匆匆去  
一笑從軍看若何

浦城九牧驛館寄杭州家穆菴都轉

雲水光中又繫船故人風物兩依然

用蘇句

潮平月落莽

回首無限春愁到酒邊

江岸東迴衆壑連暖煙濃翠馬蹄前報君別後山逾好  
一路題詩到海壖

借書寄杭州廣元圃太守

食字何曾便是仙牙籤三萬散雲煙父書未讀頭先白  
腸斷燈窗上學年

北窗風過夢醒時故紙堆中有所思寄語西湖賢太守  
打門休笑借書癡

寄保廉姪

瘴海相從日匆匆小劫過嗟余驚七鬢累爾泣風波舊  
業青燈在新愁白髮多天涯遙寄語歲月莫蹉跎

榕城寓館寄家穆菴都轉

剝啄無人晝掩關榕陰滿逕蘚紋斑北窗夢破風兼雨  
又聽秋聲到樹間

突兀凌空勢不羣樓前蒼翠倚斜曛誰知悞放看山眼  
片片奇峯半是雲

歲歲春風綰柳絲畫船人唱使君詞而今繡豸朝天去

更把西湖付與誰

時移卷秩  
滿入 觀

朋輩長安卅載情相逢應問舊人名爲言杜甫吟詩苦  
飯顛山頭太瘦生

簡閩學使邵楚帆副憲

委巷連宵雨空庭獨樹陰思君增旅夢老我抱秋心病  
可安禪卻詩因止酒吟圓孟貯瓜李揩眼看浮沈

香土東華外分曹踏軟紅閒官塵事少佳日勝游同宦  
逕馳風馬天涯認雪鴻三山青繞座相對白頭翁

初心堅不易晚節益嶙峋地望崇臺省天心眷老臣紆

籌經世畧鄭重讀書身側聽絃歌滿邊風返樸淳  
尙有苔岑感頻煩履跡過滴牀試春酒捐扇感秋河此  
地風煙古羣公策力多樓船應奏凱旦晚靖鯨波

七夕寄內

涼歸庭樹黯煙蘿片月窺帷破睡魔遠道家書緘涕淚  
頻年秋夢隔關河病餘影伴青燈瘦別後愁添白髮多  
只有銀潢風浪少看他牛女歲經過

陳鑑軒觀察過寓廬夜話

寂寥明月欵柴關晚興留入水石間老去敢誇詩筆健  
秋來難得訟庭閒頻煩聽雨論新舊一笑看雲任往還

誰道蓬萊最清淺海門風浪隔三山

秋日寄月香姬人

鏡檻鍼樓二十年小園花月共留連而今白髮天南北  
獨臥秋窗聽雨眠

豈有閒情賦柳枝掌珠拋卻每含悲樂天他日空回首

柏櫃詩篇付與誰

憶亡兒  
保恩

不須惆悵怨秋風過眼繁華一夢中寄與綵絲勤繡佛  
雨花香裏伴衰翁

哭姪保寧

憶聽啼聲客滿廬含飴二老壽顏舒

兒生及見  
祖父母

每誇騏

驥生非偶不道芝蘭種已虛施肘頻年誰誤汝

兒久患項疾爲

醫所誤

招魂天末更愴予白頭泪灑相思嶺

福州嶺名

月黑楓

林雨霽初

寄大女

憶我顛危獄竟成上書直欲學緹縈忽傳貰罪

綸音下頓覺瞻天淚眼明并曰頻年修婦職絮鹽少日

說詩名白頭吟望今思汝無限悲歡旅宦情

寄香巖五弟并示雲浦壻

鎮日風濤倚海門寂寥秋雨又黃昏縱教齒髮催遲暮

敢忘心肝奉



至尊駑馬自慚前路屢驚禽  
猶喜故巢存田園仗爾籌  
長策更與東牀快壻論

寄保廉姪

一徑蕭森老樹陰月明深巷聽寒砧  
懷人海嶠驚秋早憶汝燈窗坐夜深  
讀到父書香在手看來母線淚沾襟  
他年笑著宮袍舞莫負春暉寸草心

早起

一杵鐘聲定寥寥萬籟沈庭花平旦氣  
池水妙明心向義貞于此觀空悟自今  
豁然人境朗開眼日華臨

秋夜簡孫雨梧世講

在家靈運豈忘家過眼流光感鬢華昨夜雁聲吹到枕  
西風客夢又天涯

縹緲星槎萬里情白雲滄海倚秋晴深宵伴我支頤坐  
烏石山前看月明

答阿雨窗制軍

聽鼓應官興未闌春風入座已消寒臣飢卻笑腸鳴鼓  
又累先生點食單

用拙平生面目真敢辭衰病謝風塵白頭海內論交久  
知我如君尙幾人

札介庭勳伯齋中宴集次韻

睥睨霜天白髮多海門秋老雁來過漫云傀儡須澆酒  
忽聽陽春一放歌眼看名花都似霧心如古井不生波  
平生未省三緘戒出口誰云玷可磨

兩窗制府招飲次見贈韻

鑄錯年來總不知憑君面命耳提之每看雪鬢添愁緒  
豈有風懷入豔詩衡嶽雲開迴雁日楚江秋老落帆時

余于己丑春過湖南秋  
至鄂州俱得晤兩窗殷勤處處勞追憶欲繡平原更

買絲

長至後阿兩窗制府齋中小集

銜鼓聲停吏散時後堂閑共一尊持美人香草君多感

燈火樓臺客賦詩似此勲名應不朽就論風雅亦堪師  
夜闌更翦西窗燭醉語天真定弗嗤

垂老歡場還有分寄懷詩句總無題銀罍翠瑄春風到  
碧海烏山夜月低消盡旅顏愁攬鏡喚回春夢怕聞雞  
茫茫前路渾如漆憑仗南鍼爲指迷

次雨窗制府過訪韻

閉門底事日倥匆老作蟲魚故紙中忽聽引隍聲到耳  
又勞車馬過城東

手栽花木鬪春妍一夜西風氣颯然尙有籬根黃菊在  
賺君開眼向霜天

一笑拈髭句又成壁衣風過篆煙清醉眠忽作非非想  
無限天花夢裏生

銘齒勒鼎非常業畫日廣雲亦有人賀監而今頭已白  
鑑湖可許乞閒身

老婦

羅襦重整自含顰不是當時未嫁身鏡裏雪霜新白髮  
門前花月舊青春曾要玉珮懷靈匹又傍妝樓作替人  
料理羹湯頻洗手未諳食性怕姑嗔

老妓

冶葉倡條倚市門大堤楊柳最銷魂春風旖旎搖歌扇

夜月團圓照酒尊，瞥眼蓮房紅粉墜。  
關心盡篋茜衫存，琵琶遮面呼難出。  
恐惹江州拭淚痕。

雨窗制府和老婦詩見東壘韻奉酬

怪底雙眉鎮日顰，落花風過惜花身。  
崔徽去後虛前約，杜牧歸來感暮春。  
畢竟難忘爲雨夢，何嘗不憶墜樓人。  
舊時姊妹休相諠，已戒貪癡更戒嗔。

次答湖南景憶山中丞見寄

名山夙仰止，突兀開生面。  
油油膚雲興，一雨崇朝徧。  
維君脚

詔起蒼生繫節院，側聞衡湘間。  
途吟而野竹，平生濟物

懷靖共老無倦衡材鑒毛髮如洗目生電何期收長才  
竟弗遺襪線卅年聞所聞一夕見未見殷勤誦佳什遠

客驚深眷

用杜句

嗟余牛馬走馳逐風塵面粵楚吳滇黔萬里車轍徧回  
憶少年時簪毫待秘院接交高李儔詩酒日歡忭一從  
習外吏報稱敢云倦前塵羞債轅去日瞥飛電從君乞  
南鍼顧我願爲線類演詩願身化爲線使子爲之鍼別來對梁月彷彿  
顏色見望望嶽雲開晚節

天心眷

雨窗制府和憶山中丞見懷詩枉贈仍疊前韻奉

酬兼寄憶山

自君移節來山川，倏換面春風。  
被海隅羣黎歌德徧，老我趨轅門。  
歸如僧退院，每喻痾瘵心。大爲芸生忤，高懷軼塵壻。  
政暇吟弗倦，往往馳詩筒。開函驚掣電，欲撫雲錦章。  
自慚壓金線，乃知金石交。卽于文字見，伊人渺瀟湘。  
千里同眷眷。

兩窗制府見招論詩歸讀大集作

了事公家興未闌，梅花東閣伴清寒。  
書生嗜好酸醎外，夜半青燈結古歡。

碧空如洗月如鉤，一抹微雲澹不收。  
從此夢遊清淨域。



把君詩卷破牢愁

丙寅除夕前一日邵楚帆少馬集署齋小飲

只有銜杯興未闌海門重接故人歡青燈客夜聯吟慣

白首天涯話別難

時楚帆將北還

容易年光催臘鼓較量風味

到春盤梅花官閣垂垂發爲惹鄉愁怕獨看